

侯章邱縣志序

萬青幼隨家大人官於



青齊往來繡江長白間雅  
愛其山川之勝風俗之茂  
時耿、結者夢想乙丑成  
進士奉

命作令山東得追尋趨庭舊跡

欣喜之餘悚仄交集若弟

克荷有忝家訓其何以事

事旋授濟土移任蓬萊近

養家大人於官署北堂

春永常沐提撕六七年中

幸免讐迹辛未復蒙

題調章邱離

家大人舊治

淄川柝聲相接山翠嵐光  
若隱若見而向之所謂長  
白繡江者脊環抱滌泗於  
几席之近 家大人曰吾

不圖遊蹤之重至於斯也  
迺取邑志徵之以供杖履  
卧遊之具 家大人詔萬  
青曰是書也不脩且七十  
餘年矣爾將視為具文也  
乎邑志之設自宋元以還

九州縣牧令無不編集以  
有其書攷其為用祗以供  
採風之聽聞與探奇博覽  
者之依據已耳雖然名也  
者盛德之徵也書也者不  
朽之藉也闖闖之徵生長

一鄉之內靡不樂自誇其

山水之明秀與物產之豐

瞻風氣之佳美焉若其先

有顯者賢者則益且隆然

自負曰此吾先世遺徽也

其官階若何其行事若何

津津然舉邑乘以為符蓋  
立懦廉頑莫先於此矣夫  
國家設官分職撫綏斯民祖  
稅有經水早有備防禦有  
方以安全而衽席之彼蚩  
蚩者氓沐浴太平之慶又  
奚從於火穉水畊之外盡  
觀

謨訓洋，耶及觀於志之所載  
而後歎

聖天子憇愛之澤與長民者隨  
時補救之宜若此其深且

遠也故志書至微也或觀  
之而思奮焉或觀之而知  
化焉於以揚政教之餘風  
播嘉懿於勿替其有裨於  
治者殆不一而足也爾其  
勗諸萬青曰唯按章邱

志自前明陸君創始於孝  
宗壬子董君再葺於神宗  
乙未

本朝康熙辛未前令尹鍾君  
增纂之歲月既多版漸迭  
漫而萬青承乏茲土地大

且繁晨夕奔走凡疏河築  
城積貯興學大政中星三  
周始得經理麓就爰進紳  
士之有道而文者屬以致  
採人才事實與曰革通變  
之端退食分陰輒為刪繁

去蔓定藁本十有三卷并  
例言十則條列其所以取  
舍之意皆 家大人之教  
也邑候選司馬李大猷允  
升明經史丹詔寫文遂取  
藁本付之剞劂萬青自惟

才識庸陋，僮不備不醇之誦，第  
會之間，耳目弗廣，詞翰樸  
不狗請託，不獵聲華，審慎  
周詳，期成信史，使邦之人  
士興起，其忠孝廉節之心

一  
二

而率由於正直平康之治  
則拘拙之誠，庶幾自効者  
也。家大人舊日絃歌之  
化，浹於溜水東萊咫尺郊  
圻，輪蹄不輟，欲紹家訓以  
報

國恩今者民謂我何或可假  
編集之勞以求免素食之  
譏烏而是、非、其書之  
真實可傳與否斯又非萬  
青所敢知矣

皇清乾隆二十年歲在乙亥

卷之八

陽春月之望

賜進士出身文林郎知章邱縣  
事加五級嚴陵張萬青  
田氏撰并書



志以處邑也舊蓋有志自楊君謙之志行而舊志廢矣君謙吳人有史才當弘治壬子以儀部郎拔功監里而其同年友陸侯希遠敦請爲志浹月而成有徐文穆李文正序其後二十年餘爲正德癸酉呂侯性之續修有邊尙書序後又二十年餘爲嘉靖丁酉祝侯宗周續修卽今所板行者相傳出一學究手蕪累冗腐而君謙氏善本遂墮惡道所謂一解不如一解云今上癸巳冬余奉除書來令茲邑而邑中爲紳父老不量余之不文輒以志請余固謝且案牘旁午日

重邱縣志

一

逐逐道旁塵未暇也蓋又明年爲乙未秋民稍安余之拙更退食有餘晷而薦紳父老再申前請余遂不能固謝因乞得君謙原本一帙典則爾雅雅稱作者然覺其紀事微畧弗致詳摛詞微質弗致文蓋是時風氣鬱屯士悉敦本尙實不甚馳騁於辭采以故卽負史才如君謙亦嘗有所蘊積不盡如其意所欲出然業已始有基矣於是折簡進三五老更于庭面相約曰志弗厭詳弗詳挂漏志弗厭文弗文惟鄙在鄙我爲政挂漏若爲政若爲我詳我爲若文務成一家言一洗六十陽秋之厄諸老更咸唯唯受約退局餘

各具所聞見上之余乃乘衙齋之委蛇恣居恒之漁  
佃難椽燭摩階糜刊削煩冗緣飾固陋蓋迄丙申夏  
纔能脫藁爲考八曰沿革曰建置曰星野曰山川曰  
祠宇曰古蹟曰災祥曰物產爲表三曰王侯曰官師  
曰選舉爲志四曰條編曰姓氏曰風土曰藝文爲列  
傳十二曰名宦曰人物曰國朝人物曰忠臣曰孝  
曰義士曰文苑曰隱逸曰流寓曰列女曰仙釋曰奸  
雄而以雜錄終焉內藝文志六卷人物列傳二卷餘  
各一共三十四、十三萬言有奇、自甫就

過而詫余曰子

乎夫志史也

今史家以

章邱縣志

二

扶風爲矯矢龍門之爲史記曰紹明世正易傳之詩  
書春秋禮樂之際扶風之爲漢書曰旁貫六經上下  
洽通吾視子沿革建置諸考不純爲地里志郊祀志  
天官書貨殖傳吾視子王侯諸表不純爲年表月表  
百官人物表吾視子條編姓氏諸志不純爲平準書  
世家藝文志吾視子人物諸列傳不純爲佶或屈原  
蕭曹等傳而閒雜出山海水經爾雅風俗通物授  
神等不根之書事離挂漏不離瓊雜詞離大槩不離  
偶儷吾不知于易詩書春秋禮樂旁貫洽通之說有  
似假令世挾龍門扶風令子子其靡耳余曰何哉書

弗須蒼頡史籀要以載道書弗須探微僧繇要以肖形史弗須龍門扶風要以紀事矧余所爲志也非史也稔官下里之私識非天祿石渠之實錄也吳歛巴燿而子槩之朱紘疏越乎且余卽才謝墨兵博謝神緘然赫胥以來上下七千餘禩歷山而東方圓二百餘里而宦業鄉行土俗人情名山勝水高文大篇無不一展卷而瞭若觀火也龍門扶風余于何與倘亦堪以追邑人士日落月稀之嗟乎客奈何望余深也客乃大噓而退因次第其語置于志首

濟南屬縣二十有六惟章邱爲大其田土肥饒其山水清羨其士好文學而多取科第其民務耕織而能給租庸惟其縣地廣而事繁故爲令者每慎擇其人以往惟其人才長而任久故政令得行若不難治而常有餘力也陸君希遠出吾宜與以名進士爲令之三年公廉勤慎有循良之稱一旦以縣未有志暇日蒐撫事實託其同年楊儀制君謙修輯之曰謙諾焉曰章邱吾鄉先哲范文正公讀書之地也敢有他辭歷數月而書完會希遠以考績至京師持以請序

孔子曰夏禮吾能言之杞不足徵也殷禮吾能言之宋不足徵也文獻不足故也足則吾能徵之矣蓋文爲典籍典籍不足言禮者遂無所據其有係於國如此後之爲令者不知此意率以簿書爲急有能及典籍者乎今章邱自漢初爲國至于國朝殆千五百年其間雖分併不一固未嘗空其地而無人以宰之也然自金承安以前其人之姓名已莫能考况其餘哉此其非典籍之缺乎希遠誠慮及此不欲遺後人之歎乃惓惓焉留意不忘蓋賢令之用心也志凡四卷其條凡十二曰建置總論曰鄉鎮曰山水曰物產曰

貢賦戶口曰公宇曰祠宇曰邑令題名曰人物曰登  
用曰古蹟曰雜志若夫文詞之可傳者則列于事實  
之下不別爲條云

予觀章邱縣志而歎曰是非希遠不作非君謙不能作也蓋其爲目十有二曰建置者自漢陽邱國以至爲縣爲州爲軍以復爲縣其時代年月皆書曰鄉鎮者自縣分鄉鄉所析爲鎮爲市其俗與產皆書曰山水者書其高山大川而又以嶺洞之類繫之山井泉之類繫之水曰物產者書田野山澤園圃民間之產各以類列而以雜在於之曰賦貢者書累年賦額繫以田畝戶之官吏設置之令轉輸之制曰公宇者自縣治及藩臬寺府之分司廟學室室之建造

葺皆書陰陽醫學稅課僧道會之司亦書曰祠宇有縣祀有學祀皆書附書而不廢者若民間之私祀及二教之祀曰縣令題名者其前莫能傳自金承安以後至國朝爲縣者名氏邑里科第履歷皆略書而治狀之尤著者雖丞亦預曰人物者凡縣所產文儒武將謀臣節婦戰國而下各爲目以書舊志所載凡以子封者雖貴不錄在國朝舊所不載得數人而特書之曰登用者自洪武而後以紀年爲目進士鄉舉則詳繫以科歲貢則總繫以年又有例貢有類進則稍略其年而註其名與籍惟進士於鄉貢不厭累書

歲貢類進之貴且賢者書于人物不復累以本列而數者之右又虛其列以俟後人曰古蹟者漢以後考其爲侯封縣治遺墟故堞可指數者皆列書之而存其疑曰墳墓者元以前有名氏可識皆書而遡自上古若赫胥氏者亦存而不言曰亭館者金以後凡名勝所在節義事業所繫皆次第書之最後書館舍橋梁坊牌之屬凡事之碎細者曰雜志而凡前賢之著述故老之題識則各繫于本條之下不別爲卷云夫志史屬也今天下一統史惟朝廷有之志則通上下而不爲之禁故國志舉其略而府州縣志則各叙其

詳綱目相維本末互見皆不可闕也世變歲易或闕而不具或具而不詳所謂府者尙不能爲完書而况縣乎東漢之初詔南陽撰作風俗故在魯有名德先賢之贊而不可復見矣章邱隸濟南府爲山東近地地方二百里民物阜盛文獻不乏承平豐豫之餘宜有以紀往牒示來裔而莫之及雖簿書之才法律之能殆無所遺重責然天下之爲是物者徃徃昧其義例雜取而苟作之適足爲政體之龐贅由是言之非惟不作而亦豈易作哉希遠之爲縣識治體慎官守志優而力暇此志所由作而又得君謙以成之宜其

作之善如此也後之觀者善君謙之志則將於希遠  
乎賢之亦豈特志中所載廉孝一二事而止哉希遠  
陸姓名里宜與人君謙楊姓名循吉吳人皆甲辰進  
士君謙以禮部主事致仕歸嘗道章邱居一月而去  
弘治壬子長至前一日

弘治壬子陸子以楊子爲章邱志正德癸酉呂子修焉其邑之人曰劉子者告邊子曰楊子之爲志也其言曰山也水也與地之產也自上世以來未之有改焉爾也惟吏之善才之出其來也無窮焉欲歲歲而益之故虛焉以俟斯楊子之志亦陸子之志也而呂子修焉可無紀乎邊子曰作之非艱述之惟艱呂子之謂矣夫由呂子以上至三陸子也餘二十祀焉其十幾人也奚至于呂子而始修之也若有俟焉是呂子之賢也劉子一呂子之賢也不止是蓋能使吾章邱縣志

九

民富而有禮又崇吾城深吾隍盜至而民戢所不可無傳也於是邊子乃喟然曰祭法有言法施于民則祀之能禦大菑則祀之嗚呼若呂子者可以祀矣故爲之述此焉劉子名欒呂子者名秉彝晉州人也